

國家圖書館藏

中華歷史人物別傳集

綫裝書局

皇清誥授光祿大夫頭品頂戴
賞戴花翎原任江蘇省
政使司布政使先府君行狀

會祖諱國梅 贈光祿大夫妣張氏 贈一品夫人

祖諱正元邑庠生 贈光祿大夫妣穰氏 贈一品夫人

父諱天成 贈光祿大夫妣劉氏 贈一品夫人

府君姓曷氏諱佩紳字笏山號健齋又號函樓晚號遯叟
湖南龍陽縣人先世自江西豐城來遷至曾祖國梅公始
以厚德化鄉里年八十有五卒祖正元公益用文學行義
著學者稱謙齋先生妣穰太夫人高行懿德近世稀有父
天成公母劉太夫人仁孝交最享年皆不永見府君所述
先府君行狀

先府君行狀

—

家傳府君兄弟二人兄諱書紳由廩貢生保舉訓導學者
稱搢臣先生同治十一年卒次卽府君也府君以道光六
年十二月八日生於縣城之居第年二十一入邑庠咸豐
乙卯兼補行壬子年科試以優行貢成均舉戊午科順天
鄉試庚申挑膽錄考取教習以知縣用率軍勦賊秦蜀同
治初保知府加道銜被議革職開復原官分發貴州以平
苗功保道員加按察使銜又加布政使銜庚午攝安順府
事光緒丙子署貴東道旋補授辛巳授貴州按察使壬午
擢山西布政使癸未調四川布政使乙酉調江蘇布政使
丁亥乞病歸里戊戌卜居九江居九年以微疾卒時光緒

三十二年七月十二日也府君六歲喪父七歲喪母育於祖母受讀於兄摺臣公家貧門單摺臣公始爲邑諸生猶設肆賣卜以給府君童時伶仃孤苦膏食不充腹衣不掩肝且挾冊讀且執灑掃市米鹽然神采氣度見者已知爲非常人十歲立門首見地有墜簪一人過指謂府君曰汝何擲此於地耶府君曰非我物也其人遂拾之而去蓋生平一介不取之廉壁立萬仞之槩已見端於此十三歲應縣試縣令以垂紳能輔世命對府君援筆立對曰得志豈爭名令問何以不爭名府君曰讀聖賢書得志行道惟當致君澤民豈以爭名爲事耶令大驚異曰他人求其爭名

先府君行狀

二

而不可得垂髫者懷抱乃奇偉至是縣僻無書又無師友府君博覽強記無一刻不讀書無一字不經目年十四五已遍讀羣書古人中所心慕者惟諸葛武侯謝太傅范文正公數人而已其後得陽明全書讀之復隱契良知之學學使按試例擇廩生一人講書府君自以意講君子喻義小人喻利一章謂小人不得志其喻利之害猶小小人而得志其害不可勝言或希榮固寵或植黨營私或苞苴往來或掎克聚斂內外上下爭相效尤賄賂公行廉恥道喪於是玩視民瘼激成民變以至寇盜蜂起家國淪亡皆得志小人喻利之害也音旨疎朗聞者咋舌時學使爲景東

劉公岷奇重府君舉府君優行第一而會忠襄公第二嘗進府君語之曰古來掀天揭地之人才皆從按部就班做起一時便要爲諸葛武侯王陽明未必能遽副其志願卽如曾滌生先生爲當今大人物亦祇是按部就班做事也其期許如此年三十入京師才名藉甚江西陳公寶箴羅公亨奎見道中題壁詩署易叔子徧訪知爲府君遂訂交時肅順當國欲羅致府君有致書府君者謂肅順可與爲善誠得府君日在左右使毋及於惡則天下幸甚府君適外出陳公來見座上雨碎之而去府君歸問僕曰頃陳公來乎曰然明日府君往見陳公曰座上雨何碎之陳公正

先府君行狀

三

色曰笏山賢者若輩不自惜乃欲挽吾笏山吾碎若雨使無汚笏山座庚申再下第其明日羅公來目盡腫府君曰乃爲不第哭耶羅公曰亨奎非自哭爲笏山哭耳非爲笏山哭爲天下哭耳天下亂未已使笏山得科第登朝廷當得所藉手今不第必將著書學道以獨善其身此吾所以哭矣府君歸果奉兄讀書授徒爲隱居求志計曾文正公左文襄公以書牘召皆謝不往明年湘撫駱文忠公入蜀督師羅公乃奉駱公命來乞府君行遂與劉公蓉同入幕府旋募鄉兵二千入蜀道龍山遇髮逆石達開率賊十餘萬乘虛來窺府君不肯避道曰天下賊天下兵擊之戰於

象鼻嶺亡二百餘人府君下馬據地坐賊以爲神不敢逼遂徐引去相持十數日援軍大至湘得全時湘省防永寶而未防永豐龍山永順間無一兵微府君湘省糜爛矣石門黃主事道讓詩云至今吾豐萬千戶齊把黃金鑄笏山卽指此也龍山告急省中羣吏相顧失色巡撫毛公鴻賓獨曰易笏山方行雖客軍必能拒賊果如其言旣解龍山圍進攻來鳳克之駱公檄至令追賊入蜀不數月夔萬雲安太平綏定諸郡縣賊盡平駱公檄復至令追賊入陝時吾母陳夫人率子女道陝入蜀留漢中賊以府君追之急亦盡趨入陝府君數十戰皆捷賊所據州縣要害皆復遂

先府君行狀

四

盡驅羣賊漢中而粵逆數十萬由豫鄂西竄陷興安與漢中賊合勢張甚援軍甚眾各爭長不相統屬漢中被圍數月不能解御史陳公廷經采輿論奏稱漢南諸軍惟府君所部果健軍有紀律奮勇敢戰爲賊所畏非府君督辦不可朝旨問駱公駱公謂府君資望略輕未可獨當一面議遂罷而漢中亦不守矣府君駐軍距城廿餘里城陷吾母陳夫人遣人負不孝及女兒逃歸遂毀形易服以出將出城復遇女兒越三日共達府君所獨不孝陷賊一年至應山縣爲忠親王僧格林沁大軍所獲王抱坐膝上授應山令朱公送歸時不孝甫五歲由賊中生還海內皆以爲

異事府君常言漢中浩劫而一門獨完深引爲愧恨云是役也府君以一書生率新募卒二千餘人轉戰數千里破數十萬賊大府負府君餉二十餘萬金微府君非特不能戰早兵變被戕矣府君一以堅忍持之以恩信結之賊畏府君如神而兵視府君如父崎嶇困苦所處皆非人境其與駱公不終也或云他人齟齬之事隱秘不得而知府君亦不以爲意其在軍中詩云本來面目無人識錯把孫吳作頌揚又云幾回殺賊翻流涕賊亦蒼生大可憐撤軍後又有詩云未受人憐斯是福能容我退卽爲恩又云兵事易言原有戒書生輕出自無功亦足以見府君之襟懷

先府君行狀

五

道力也歲乙丑府君以欠餉事再入陝時劉公蓉已任陝撫留府君居署中所謂終南仙館者而以全陝營務屬焉未幾劉公罷代者夙慕府君甫抵任卽約期來拜請少留而府君行矣先是劉公奏請以所負府君餉二十餘萬金廣湖南學額舉額而府君亦開復處分赴吏部掣籤分發貴州此爲府君秦事之終黔事之始府君之初筮黔也苗亂未平湖南援師歲費百八十餘萬且久無效前學使劉公崐來爲巡撫府君乃條上二策其一策以湖南之餉責成貴東之官吏收用貴東之民歲需僅六十餘萬金三年之內舉可裁省其次則宜易將因舉席公寶田劉公從之

奏以席公總統援黔軍府君爲營務處席公遂以成平苗之功府君以兄搢臣公多病恆在家爲親調醫藥自丙寅至己巳蓋在軍時少而省兄時多也庚午春至黔夏六月攝守安順安順苗教兩匪爲亂州縣多殘破烏東隴者賊巢也負固十餘年距郡城僅三十里城危甚府君所自領餉月僅三百金乃乞唐公炯蜀軍助攻而唐公適奉檄撤軍止已攻者勿進府君以大義責唐公唐公大感動遂攻克之獲僞帝沐洪春等賊平府君與大吏齟齬堅請去冬十一月去官府君嘗自敘安順書牘云在官六閱月庶富未能謀惟空空託之於教大利未能興惟草草借客兵以

先府君行狀

六

除一大害事後追思常以負民爲疚然當其時勞苦憂患固不敢自謂尙有餘力矣明年黔撫曾公璧光屬府君治蘇浙捐輸旋改治湘黔捐輸湘撫劉公又屬府君治湘省營務旣而黎公培敬代曾公王公文韶代劉公皆深倚府君先後爲湘借餉於江督曾文正公爲黔借餉於贛撫劉忠誠公兩公與府君皆未相識會公則嘗招府君而未往者乍見府君卽皆傾倒畱居署中盤桓不許去黎公屬府君修平苗紀略又畱辦捐輸府君辭捐輸而就修書甲戌三月重入黔南中途再奉捐輸檄府君力辭之至黔開書局一時耆舊如莫君庭芝胡君長新名士如羅君文彬王

君秉恩蔣君茂齡皆集焉旋總辦營務奏署貴東道遂補授黎公與人書云貴東一缺若不補笏山何以自立於天地間蓋黎公好賢之誠爲不可及矣黔以貴西爲上游貴東爲下游雖俱稱肅清而伏莽蠢動下游尤甚遊民散卒每煽惑苗民爲亂畱防之軍與文武官吏之不肖者又或擾民虐苗以啓釁黎公屬府君代草一疏兼上便宜府君因言凡奏報不自欺飾乃可以破各文武官吏之欺飾黎公深聽其語貴東道治古州廳在羣苗中險阻多瘴癘人莫敢至有諸葛臺雍正時經略張廣泗至焉苗人所呼爲登諸葛臺老子者也苗變後凡任貴東道者益遠居思南

先府君行狀

七

銅仁鎮遠諸郡自府君始還治古州州雖苗疆而有山水之勝府君顧而樂之築龍岡書院於龍岡築古歡閣於江上築容園於署中吏事軍事稍暇則進生徒課文攜賓從賦詩爲樂府君性惡貪酷吏永從令吳延堯當道之戚而又鄉人也婪取濫殺劣迹昭著府君嚴劾其罪論如律貴州苗疆自雍正乾隆兩次用兵後始改土歸流然土司仍未盡革又有所謂通事者皆奸民爲之腹剝苗民無所不至舊設衛軍屯田亦有名無實徒養奸民額兵萬七千餘食米六萬三千餘石取之他處者曰輓運取之本處者曰采買皆官以銀折價多取之於民而少與之於兵甚者責

苗民納米而不給價謂之上白糧苗疆各官吏祿不足以養廉於是侵吞婪索視爲故常府君以爲大亂初平宜正本清源以求久安長治請悉廢土司通事而選苗民能通漢語者爲保正團長裁撤衛弁而改屯軍爲佃戶以租入養官停止輓運采買而折價給兵使之自食又請禁用苗夫釐正疆界爲牘凡六千餘言黎公悉從其議由是苗疆積弊一清復見天日至今不用兵革者已數十年皆府君之力也牛皮大箐者爲雷公烏東黃陽冷竹數大山蟠結之區苗疆六廳皆環其下而設焉其主峰曰梵淨山人迹罕至苗教兩匪之悍者盤踞出沒其中爲民害山麓周五

先府君行狀

入

百里搜捕無所施府君至先後斃賊無算存者僅十一人其匪首曰徐大王劉拜子丁丑夏四月府君乘扁輿登山爲文祭山神求神助越三日兩逆皆捕得伏誅餘匪悉獲全境遂平府君改山名曰卓山作卓山歌紀其事府君之官貴東也以黎公能受直言倚任不疑故在任數年得稍行其志然以心力之瘁招怨之多無日不思引退既而黎公罷去岑公毓英代之府君牘已四上岑公不能留遂給咨北行甫到家忽有黔臬之命任黔臬兩年遷晉藩又一年調蜀藩又一年調蘇藩府君本無宦情尤惡請託歷官數省未嘗通京師一書亦未嘗得京師一書入都循例一

謁樞府自餘達官貴人府君或不知其名姓故事親王入贊軍機者曰樞邸督撫見樞邸屈一膝請安府君官兩司獨遵會典長揖而已初升黔臬不知榮寵之何從而來或言張公之洞薦舉中外人才以府君居首簡在帝心當由於此官黔臬值丁祭日首府縣出城送總督至清鎮縣皆不與祭府君曰律載屬員出郭迎送上司者降四級用上官容令不舉者亦如之夫出郭不過數里耳況至他境乎因按律詳巡撫請奏參時巡撫方監臨入闈致書府君欲寢其事府君復書曰執法者各舉其職或奏或寢吾不越俎也巡撫遂馳告總督越數日得總督書謂首府縣別

先府君行狀

九

有公事至清鎮非專送總督但當効其曠祭府君謂既不効遠送何必効曠祭遂援擅離職守例各記大過一次以示儆焉蜀有知州某以貪猾著稱總督某公初欲効之既而悅之使署瀘州瀘州蜀第一優缺也府君甫抵任卽白總督撤之適法人窺臺灣總督奏以府君率蜀軍往援府君感激請行而奉旨不允於是府君以舊傷作痛兩耳漸聾詳請開缺值總督亦病未果上有見總督年終考語者稱府君公忠清正惟鉤稽綜核非其長蓋總督雖忤府君不便其所爲而亦不敢違公論害物望也府君一生惟以循理守道爲懷而於利害禍福非所計惟以悲天憫人

爲念而於榮辱毀譽非所知由蜀藩入覲歷陳中國民窮財盡痛哭失聲又上疏請停土木罷海軍撤釐金兩宮爲之動容雖訝其愚直亦不加責而府君自知所學迂拙不合時宜抵蘇未半年遂請病開缺總督曾忠襄公巡撫崧公駿皆不肯代奏崧公來問疾欲排闥入勸府君府君本無病聞崧公來亟扶杖出見開缺之次日攜家遊鄧尉行步若飛于君式枚時客府君所嘗歎當世如府君者無第二人也府君既歸遂就先人祠堂側闢一園雜蒔花木優游其中慕浙江觀潮之勝欲往游未果初庚寅歲不孝由河南道員請假歸游廬山至三峽橋喜其山水泉石幽

先府君行狀

十

深甲天下築樓居焉顏曰琴志至戊戌府君往游又以九江地清曠別築一樓於城中顏曰琴心時人所謂琴志琴心父子樓也府君生平學術嚴正生而有民胞物與之量十九歲遇異人呂君謂府君曰子志在天下心雄萬夫此天地剛大之氣非有濟世之略無以相副今當以劍術符籙授子府君曰濟世之略經史中求之耳劍術一人敵符籙則王莽與宋靖康以此敗不願學呂君曰士各有志不能相強遂別去道咸之間天下多故由是悲憫而兼悲憤初至京師才氣凌厲不可一世人以豪俠狂士目之戊午除夕在旅邸與友人田公玉梅感傷時事設溫公紹原李

公績實位作文祭之田公哭府君亦哭相與痛飲而罷次日都下盛傳其事己未會試總裁某公當世所目爲小人者府君欲不入場同郡郭公蘭生勸府君曰既思用世而又爲世忌非也薄其人存於心可矣府君納其言完卷而出時久旱求直言府君謂成湯禱於桑林以六事自責皆責己而未責人蓋自責則心必虛虛而後能納眾善自責則心必誠誠而後能感天和遂以此意草一疏示御史尹公耕雲使上之尹昨舌曰是徒獲罪而無益勸府君棄其稿時府君文章氣節名譟甚忽一旦猛省自訟曰豪放悲憤可以救生民挽時事乎夫放於外未有能充於內者也

先府君行狀

十一

內不充而益放於外當自悲自憤之不暇而徒悲生民憤時事不亦俱乎且紛華擾攘之場輕俊任俠之友皆動客感助浮氣者也宜擇地以遠之遂賃居宣武門內之呂祖閣而陳公羅公亦來居焉是爲府君講學之始初歙縣王子懷先生以讜言清節著稱聞府君名先來就訪府君讀先生奏疏歎爲當代一人欲師事而避嫌未果適先生以屢疏不報奏請開缺府君竊歎仁賢去而廊廟空賦詩志感遂執贄焉先生解官後居宣武門內之玉皇閣府君復移具從之府君嘗言先生無講學名而進退出處矜然不污語默動靜自然合則試以古人之書印合之覺名爲講

學者猶未免空談不以講學名者居然實踐而府君與先生處所詣亦日深嘗於日記中記是時所得云不必避人而人頗因之以就範不爲物動而轉得卽物以窮理驗諸羣動與靜攝無殊徵諸夢寐與醒時一致蓋半年所積之功而一生得力之處也中年服官後始稍參以仙佛兩家之書然大旨分出世入世法以聖賢之義理應世以仙佛之精意自了於是著通鑑觸緒老子解仁書諸書皆爲救世而作通鑑觸緒自序曰三代而後聖賢之學英雄之略不能兼全道德事功判爲兩途務道德者或淑身而不能淑世或守經而不能達權務事功者但知圖王圖霸之足

先府君行狀

三

爲己利而不知作君作師之專爲民生竊欲後世讀吾書者聖賢可參以英雄英雄必準以聖賢而繫於教養者尤切焉期於君相者尤殷焉此著通鑑觸緒之大意也老子解自序曰史記以老莊申韓同傳後世遂誣老子爲莊爲申爲韓夫莊散老樸莊放老醇然同歸於自然者尚不甚相反申韓則相反甚矣老子欲以無爲者救周末之文勝而申韓則以名法爲深文老子欲以不爭者救戰國之嗜殺而申韓則以慘礪爲殺機老子戒矜戒伐戒滿盈視儒者之敬慎有加也蓋自重其身命卽重天下之身命因著書以救千萬世之身命是故老子孔子一道也使孔子之

道常行於世又何必老子乃孔子之道漸爲贅疣異學紛紛至求鑒於寰海以外變極而一或在老子乎此著老子解之大意也仁書自序有曰世變日亟載籍所無古之戰國海內七雄今之戰國逾九萬里萬物之命更迫於芻狗天地之心豈終於不仁爰作是篇以質於同此心同此理者此著仁書之大意也府君又著詩義擇從四卷安順書牘二卷貴東書牘四卷函樓文鈔八卷函樓詩鈔二十卷詞鈔四卷皆已行世惟自述年略七卷日記數十卷藏於家府君原配蕭夫人早卒繼配吾母陳夫人同邑長垣縣知縣陳公永皓之女陳公學者所稱爲海陽先生者也府

先府君行狀

三

君以陳公爲嚴師而以吾母爲畏友故一生學問功業得吾母之助爲多先府君十四年卒別有狀蕭夫人生子一順節五品銜四川候補通判早卒吾母生子二不孝順鼎乙亥舉人前官廣西右江道順豫癸卯進士今官江西候補知縣女子二一適陳克槐早卒一適黃尊孫男四孫女四先是府君卜葬吾母於縣南郭之史家塢改史家爲紫霞建紫霞閣焉曰我死當葬於是及卒於九江不孝之友若梁君鼎芬若黃君嗣東若陳君三立多謂府君宜葬廬山不孝兄弟不敢決乃書畱歸二字爲闡拈於府君前得歸字遂奉柩自九江返里葬紫霞塢合吾母之墓焉嗚呼

不孝 尙忍言耶抑 不孝 尙有不忍不言者府君一生義利

之辨最嚴而其大節無過兩端一日取與一日進退府君自髫髻身處飢寒然已不知有家人生產亦不知粗糲之爲苦梁肉之爲甘十餘歲肄業書院兼授徒遂以膏火修脯自給崛起孤寒未嘗受惠於人故於人世苞苴酬酢絕不措意凡寒士初得科目必賴鄉里族黨賀錢而先以酒食召集之多者可致數千緡府君初入縣學亦徇家人意爲之及貢成均捷京兆考教習親友復以爲言府君曰昔者未講學故從俗今可爲馮婦耶吾願隱居授徒以甘旨奉兄嫂以澹泊率子姪耳貴東道兼領統將費月數百金

先府君行狀

十四

辭不受軍興以來釐稅日增官吏多藉口辦公因以爲利古州南嘉堡釐局者貴東道所設歲入巨萬金府君至立撤之性惡貪巧吏在黔蜀屢劾罷督撫私人時有待官刻待民寬之論河南有操李虛中術曰鐵板數者 不孝 使推府君年命其語有曰萬民歡樂屬員愁 不孝 私告友人以爲奇中然府君雖惡貪吏亦不喜過儉矯廉嘗曰在國與其有聚斂之臣不如盜臣在家與其有刻薄成家之子不如浮蕩敗家之子任藩使三年所入當數萬金而三年中三人京師往返數萬里家人輩又不善會計以行道路者去其半以建家祠修橋梁贍親故者去其半服官行軍

數十年祿入所增纔食租千餘石而已去蘇藩時至逋負米鹽債千餘緡不能作歸計吾母命子婦輩盡典釵珥始登舟吾母卒後家益貧歲丁酉戊戌 不孝 治湘離乃得以數千金存九江肆中爲府君杖頭費及 不孝 由廣西罷官數千金者亦盡 不孝 傭書負米以供菽水府君每食纔肉一盂蔬一盂飯一盂一月所需數十金耳嗚呼 不孝 尙忍言耶府君中年以後師友日少獨賴吾母內助自吾母歿府君道益孤又以親舊凋謝時事日非乃卜居潯陽爲避地計於是府君已有厭世之心矣旣而異人呂君復至與府君悲感時事講論道要向之以聖賢英雄救世之心又

先府君行狀

十五

變爲以仙佛度世之心然救世之心終未有已庚子在山中聞北方之亂拊膺悲歎欲微服入都下以忠義陰求豪傑以忠信感動外人陳君三立私歎其壯及後所願皆不遂又以 不孝 得罪疆吏輕棄一官口雖不言意不能無槩而厭世之心遂以愈深府君氣體夙強健懷抱尤寬使 不孝 稍能承歡養志於萬一期願可操券致乃以 不孝 之故使府君畢生歷百苦而無一甘 不孝 之罪上通於天雖萬死其可贖耶嗚呼 不孝 尙忍言耶 不孝 嘗私痛府君以天地爲量以萬物爲懷其已飢已溺也似禹稷其一介不取也似伊尹其澹泊甯靜也似諸葛忠武其民胞物與也似

張子其先憂後樂也似范希文其始也以豪傑之資行聖賢之學其終也以仙佛之心行聖賢之學蓋始終不愧於聖賢而或者以爲府君太高太太高則孤太太則空是以孤立一生而卒至空諸所有嗚呼不孝又嘗私論之矣有天下之人有一省之人有千古之人有一代之人千古之人若於一代無甚關繫而此一代中竟無一二千古之人則其一代更爲卑小宋儒所分別志在富貴志在功名志在道德者是也若府君者其千古之人與其千古之人與府君生平不喜表襮尤惡世俗諛頌之文中年以後與時相去益遠故府君不求知於人而時人知府君之深者先府君行狀

十六

亦絕少不孝既負此罪罟而又不亟以府君生平言行表著於世負罪滋巨敢濡淚泣血追述其大者以待賢人君子之採擇焉光緒丁未正月不孝順鼎豫泣述



子今親學而後辭丁未五月下冬訓課立教

焉然其時雖曰進德而血脈其大者以資養人耳

亦非全不為功也且其時丁未是以稱公生平善言

遠近者皆謂之

魏斯之而後辭也宋賦任人而謂人賦而任之

則其時雖曰進德而血脈其大者以資養人耳

亦非全不為功也且其時丁未是以稱公生平善言

遠近者皆謂之

魏斯之而後辭也宋賦任人而謂人賦而任之

則其時雖曰進德而血脈其大者以資養人耳

亦非全不為功也且其時丁未是以稱公生平善言

遠近者皆謂之

魏斯之而後辭也宋賦任人而謂人賦而任之

則其時雖曰進德而血脈其大者以資養人耳

濟甯孫駕航都轉事略

濟甯孫駕航都轉事略

都轉名樞號駕航山東濟甯州人乾隆乙未翰林體仁閣大學士兩江總督奇圖先生諱玉庭曾孫道光癸未翰林戶部尚書謚文定符卿先生諱瑞珍孫封通奉大夫廩貢生須浦先生諱毓珠長子也幼而聰穎讀書知理解為相國所篤愛年十四隨侍文定公於京師癸卯文定公視學江西學之任所按臨外郡輒許隨行俾知文事丙午回京勵志下帷學業日進文定公久直

上書房居浚園鉅公碩彥時相過從見者咸以大器目之己酉

庚戌兩遭

國恤文定公為禮部尚書每於典章儀制必命詳攷博稽因得漸聞政事恭逢

文宗御極恩蔭遂以都轉名應

詔年已二十有四矣咸豐元年內用員外郎分工部學習屯田司行

走是年辛亥科應京兆試總裁協揆杜文正公受田閣二三

場推為宿學中式舉人二年壬子科聯捷禮闈

殿試二甲成進士改翰林院庶吉士充

武英殿協修三年散館試時雨賦閱卷大臣原擬一等第十奉

硃筆大雲用典錯誤孫桐係世家豈本朝掌故不知耶賦用筆雅正詩亦好故特改為二等末引

見以內閣中書用人多為都轉惜而都轉處之秦然同用中書者四人首先到閩甫旬餘相國賈文端公楨入對果蒙

垂詢旋充

國史館校對

實錄館校對本衙門撰文時粵西竄匪擾近畿疆奉命大將軍惠端

親王駐京策應督辦巡防恭贊大臣科爾沁忠親王督師直東一帶防剿文定公同為巡防大臣都轉奉大將軍檄調差

委於軍報緩急接仗勝負各營調發偵探賊情凡在公辦理各事宜歸必以告不敢稍有遺忘十月補中書十二月

賞給侍讀都轉到閩甫經八月遽長漢票簽事深以隕越為虞乃畫

司票擬夜檢檔冊默識旁諮期無舛錯而侍讀復職兼肆應未能坐理舉凡協恭同僚整飭供事兼綜條貫措置裕如相國文端公裕誠卓文端公秉恬彭文敬公蔭章皆深資倚重至今閩中亦稱道弗衰四年文定公乞休仍居京邸五年乙卯科充四川副考官所取多知名士六年春率新榜門生行帶見禮文定公顧而樂之蓋近年來侍郎杜文端公壻以外

惟文定公得見門下再晚學生一時傳為盛事是以相國祁文端公寓藻答都轉詩有巴江到處曾題柱謝墅頻年尚弄

棋桃李門前春似海白頭親見種花時之句洵紀實也七年記名以御史用尋推陞禮部主客司郎中掌本司及鑄印局印八年

六月文定公寢疾通奉公適在籍都轉侍奉醫藥衣不解帶未浹旬文定公卒經理喪事必誠必備自

遣員奠醊以訖

諭祭無愆於儀九月通奉公扶柩東歸命仍留京供職九年己未科充會試同考官齋心校閱取士得人七月補福建道御史稽

查海運倉有各省奏留丁憂人員請量為分別以示限制疏敕吏部議行十年庚申科充會試同考官得人尤咸閏三月轉掌陝

西道御史巡視東城值津洋不靖奉

命辦理五城團防時有以

巡幸為言者都轉手具疏稿披瀝諫阻合滿漢科道聯銜入奏都御

史清恪公愛仁沈文忠公兆霖復屬都轉具疏約副都御史

及同臺官合詞再陳奉

硃諭即將巡幸之豫備作為親征之舉未幾逆氛漸逼

乘輿駐澤木蘭京師戒嚴人心洶懼都轉與各城不分畛域日赴公

所同心布置寬遷徙以靖內訌禁訛傳以杜搖惑嚴夜巡以警窩藏進水米移外倉米以便居民而防乏匱復以東城密通通州責成副指揮添設偵探以察敵情城門啟閉為步軍統領衙門專司亦分派司坊官協同稽查皆感奮無不用命時值秋深雖街市蕭瑟而外城安謐情形轉勝平時都轉寓宅子女如常誦讀書聲達於外舍至有現其動靜以定去留者人但謂坦懷坐鎮不涉張皇實則多方籌維恐負委任迨至撫局已定京師解嚴而都轉亦心力交瘁矣十一年二月補工科給事中九月

穆宗毅皇帝回鑾先後與議

弘德殿讀書及

兩宮

皇太后垂簾各條款並載垣等罪名十月奏進書籍奉

上諭給事中孫楫奏裝進明臣張居正等所輯帝鑑圖說一書詳加

披覽於指陳規戒繪圖集說切實顯豁不無裨益著將該給事中原書留覽以示博採兼收之意十一月轉兵科掌印給事中上疏

云載垣等造作擅改之件不應載之

實錄儼同

顧命亦不應登之冊籍假託

綸音擬請降

旨銷除以期信今傳後奉

上諭給事中孫楫奏請將載垣等造作之諭旨銷除等語朕奉

母后皇太后

聖母皇太后懿旨所奏不為無見所有載垣等矯傳贊襄名目及擅

駁董元醇諭旨著即銷除惟此案係王大臣大學士六部九卿等

於內閣會同刑部議定罪名伊等造作之諭旨二道即著內閣刑

部隨同本案檔冊錄存以著信據並著軍機處即隨此次諭旨照

錄一分存檔另錄一分交南書房收存均著低二格書寫以示區

別而昭炯戒等因同治元年巡視北城拿獲著名光棍懷挾私仇

毆傷承審官員奏奉

諭旨交刑部嚴行審訊按律從重懲辦又奏恭條陳祀典語多謬妄

之學政奉

上諭給事中孫楫奏恭雲南學政張錫條陳宗祀典禮語多謬妄

一摺著原議王大臣等會同詳悉議奏旋經議覆該學政陳奏

配享大典引證諸說乖謬殊多實屬條奏失體奉

上諭著交部照例議處七月聞通奉公訃音哀毀奔喪因脫檢時出

肆擾濟甯為所窺伺遂誦吉安葬奉生母徐太夫人迎養京師蓋自丙午以後太夫人隨通奉公里居都轉親侍祖庭通籍筮仕不遑將母者十七年矣三年十月服闋四年閏五月補戶科給事中巡視北城固西北兩城外坊地面關係緊要請將副指揮二員定為繁缺以久經實任揀發著有勞績各員分別調補銓選俾資治理

上從之十二月俸滿截取

記名以繁缺道員用五年六月轉刑科掌印給事中巡視北城六年

二月

京察一等

記名以道府用三月授高廉道維時徐太夫人四載京居眷懷鄉井以嶺南道遠不欲同往決意言旋都轉亦未敢固請乃於七月出京十一月抵廣州管理釐務總局七年閏四月赴高廉任所八月兼攝高州府事值歲考闔門扁試整肅場規躬親校閱嚴密關防節次覆試倍加認真危坐講堂終日不懈所取皆力學能文者而寒士為尤多眾論翕然八年六月閏徐太夫人訃音哀毀星奔到籍後喪葬之禮一如喪通奉公時十年九月服闋甘肅捐輸案內

賞戴花翎十二月奉旨補授高廉道十一年八月履任此都轉幼學與宦績之大略也都

轉事文定公久讀書立身之道涉世處事之方古昔之轍迹故老之流傳家國所繫法成所垂自束髮以至服官耳提面命二十年如一日復時聞胞伯祖江蘇巡撫寶谷先生善寶及堂伯浙江按察使梧江先生毓壯之緒論故行已從政具見本原祖母韋太夫人卒時都轉甫六齡其明年庶祖母吳太夫人來歸鍾愛備至成童授室恩勤教養遇辛亥

覃恩胞封恭人胞叔萊山先生毓汶庚申緣事褫職遣戍西陲都轉

額請納贖

恩准免遭嫡母喬太夫人早卒外祖母張孺人老而無子又遭回祿自通奉公在日移來同寓庚午病歿年九十餘矣都轉為經營喪葬並議立嗣曾孫以奉祭掃戚里題之其官臺諫也外間利弊愷切敷陳彈劾所及不避嫌怨獨未嘗言利以腹劑閭閻四巡城而北城凡三任皆實事求是崇無留贖聽斷勤允迭獲要案於緝捕出力及玩誤公事者不時舉劾司坊官咸畏服之都轉平易近人不設城府而中有定見自勵操修披閱簿書指瑕蹈隙多所糾正辦公尤事必躬親實心實力

鉅細靡遺始終無間待人以誠恕而有所鑒別觀人務取長而略其小節嘗曰為官必須耐煩要辦事不要喜事要了事不要多事其庶幾乎都轉少事通奉公教以詩學貴抒性情不尚詞藻有拈韻共兒論之句生平無所嗜好衙齋公餘輒作詩以自遣自弱冠隨宦壯歲乘軺比年兩蒞粵東道路所經名山大河江海之勝概往往形諸詠歌並繪之卷軸有虹橋舊游劍門秋色桐江秋耀諸圖可以見其胸次矣都轉再任高廉興廢舉墜祈雨澤則建玉明經賓臣祠補志乘則纂高廉道題名皆記事泐石以垂久遠並繪觚圓護梅觀山九

日兩圖愛人材而紀名勝悉於題詩見志焉光緒元年八月署廣東按察使飭紀整綱惟明克允次年二月受代督辦善後總局是秋充文武鄉試監試官三年以前辦釐務經節相左文襄公宗棠於關隴肅清奏獎籌餉案內

賞加鹽運使銜十月署督糧道四年十二月再署督糧道六年四月奉

旨開缺送部引見十月以知府用八年三月選雷州府

召見垂詢服官年歲及科分甚悉十年十月調署韶州府十一年

七月又調署廣州府本年三月准調補兼充營務洋務兩處

提調此又十年以來之官蹟也庚辰夏北歸寄寓揚州前御史中丞晏彤甫先生端書為此邦耆碩與罷職來居諸公飲譙過從無虛日比都轉至已七人繪領還七友圖以紀盛都轉喜得暫閒旋於辛巳夏赴都謁選繪邦江僦居圖以見意守雷時法事孔亟團練籌防不以地瘠而稍懈移署韶郡事多於雷循緒為之不勞而理比守廣州地大物博倍繁且劇內政刑而外叅謁加以維持酬酢應接不暇都轉勤敏詳慎躬親料量處之裕如三郡皆遇科歲試取材尤嚴於高涼而精神周至無異曩時人幾忘其為老者年也胞弟二桐詹事

府主簿辛樟東河通判皆

恩

賞舉人德配王夫人海豐世家勤儉慈惠已卯辛子一肇燕直隸

通判女五皆適望族長存餘及孫三高蔭曾蔭女孫二嘉平

十八日為都轉六十生辰都轉與先大夫侍御公同官臺閣

交誼最深余於戊辰薄游越裳謬託賓席其間南北舟車京

華棲止無不與共相處凡六七年癸酉之冬曾纂事略訖今

又十三年京外分馳時通音問於都轉持躬行事知之較悉

爰識其梗概如此光緒十二年九月安州陳兆奎謹略

八月六日... 九月... 十月... 十一月... 十二月...

... 十一月... 十二月... 正月... 二月... 三月...

... 三月... 四月... 五月... 六月... 七月... 八月... 九月... 十月... 十一月... 十二月...

... 正月... 二月... 三月... 四月... 五月... 六月... 七月... 八月... 九月... 十月... 十一月... 十二月...

... 十二月... 正月... 二月... 三月... 四月... 五月... 六月... 七月... 八月... 九月... 十月... 十一月... 十二月...